


欽欽新書  
十







欽欽新書目次

第一卷

遂安郡罪人金日宅獄事查決案

松永縣罪人姜文行獄事查啓跋辭

刑曹罪人咸奉連獄事詳覈回啓

黃州罪人申著實獄事 筵奏說

第二卷

谷山府罪人金大得跟捕查決狀

遂安郡罪人安台史獄事覆檢跋辭

擬康津縣白家女子必娘等自溺覆檢狀題詞



康津縣趙奎運為子復讎一獄而擒案批評

擬康津縣民朴光致自縊致死擒案跋辭

第三卷

擬康津縣張台史胎傷致死初擒跋辭

擬海南縣民尹啓萬被刺致死擒案跋辭

康津縣古今島鄭節婦自勒致死初擒跋辭

代人作

康津縣秘奴有丁被打致死初擒跋辭

代人作

附見清溪村行擒說



欽欽新書卷之三百二十七

泗水 丁鏞 著

剪跋蕪詞一

遂安郡金日宅獄案

傳曰惟今之旱亦亢之酷日夜憂勞如焚如灼謫見于上  
職由人事之失於下百工有失卽一人之失罪當寡躬不  
敢自赦今又以靡不用極之意欲行疏決而此舉須備儀  
衛可行亦可謂非其時刑官之使之求待蕪行實對政爲  
錄囚事詢問耳凡事懋實爲貴何論常格無疏決之名有  
錄囚之實則是亦實政實者僞之反也仰冀底豫之方附



勉修省之策自今日刑曹堂即並直本曹就京外死囚詳覆及錄啓及回啓查啓等一百二度其中稟覆未下十一度外逐一詳閱各出意見究理剖析論斷間日就議于籌坐大臣隨續陳聞則潛心諦求於齋居之時過齋當判下此意令該堂知悉

嘉慶戊午五月十二日大臣備局堂上引見刑曹堂上同爲入侍時

右議政李秉模曰遂安郡金日宅獄事改始雖緣於醉戲竟未免於殺死欲自圖生誣及同伴冤厥用心尤極無良反覆思之未得可生之路矣

刑曹啓曰

臣

等以爲起開出於戲劇則致命由於不幸

然而痕損如彼元犯自在雖以亮身圖生之計初有私



起疑亂之跡而畢竟終露屍親自服則豈待賣狗護病

損財許葬而後方可謂之真贓乎是白三人同行一毆一

挽而失笠裂衣自露酣鬪之狀則雖欲推諉其可得乎

一味抵賴情狀尤惡各別嚴刑期於取服之意分付道

臣何如行嘉慶三年五月二十二日

判付曰金日宅獄三人行一人死同是醉中便是戲殺而

日宅則曰太寬打太寬則曰日宅打既無必殺之心又無

傍觀之證所謂瞻之角觝誰知烏之雌雄衣冠之獨不裂

破狗肝之偶為勸喫不足為日宅難脫之真贓更令雅官

查得實情斷案以聞巡問營開文及查庭



會查官谷山都護府使丁鏞查報狀跋詞曰如爲等各人

等招辭

是有亦置

大抵金日宅之爲元犯者以其有四條證

案一衣冠裂破也二狗肉勸喫也三屍體受置也四反

葬酬酢也有此四條證案渠雖喙長三尺無辭發明去是

今以初覆檢以後文案中可以爲證可以起疑者次

第抄出反覆鈎問或施威而嚴覈或好言以開諭是乎

一辭稱寃終不吐實寃厥所爲誠爲頑惡是乎屍親之

季召史干犯之朴太寃干證之安尚云最高行查時應

問之人而太寃

段

出獄之後卽離此土轉出他鄉永無

蹤跡季召史

段

不以西關之人春延死後不知去處且



無族屬之可問安尚云段老病物故已為二年書堂訓

長韓道亨段轉出他鄉不知去處功鄰李得奉段亦為

物故風憲及西功鄰之招一如檢驗時所供無一可憑

瘡屍人李以方段逃避軍役不知去處分此屍體之受

置日宅既不發明則亦無更問之端是如今以查庭之

供為準則死囚求生之言不足取信若以檢驗之文為

據則反覆變改之際實多疑晦第以四條證案論之衣

冠裂破事段太寬米橐負束之說已發於初檢時各人

之招今此日宅招內太寬衣笠搭在橐上之說不可歸

之於歸詎分此魚氓之乘憤聞閔者脫笠褫衣自是例



習則日宅衣冠之偏被裂破不足為闢關之斷案

是遠被

打死之春延亦未嘗裂破衣冠則太寃之獨全衣冠不

足為不聞之明證

是乎

狗肉勸喫事

設

今考前後文案

太寃親屠之說自初至終屢發於日宅之招而太寃於

此初無發明之語則此事之專歸於日宅無怪稱寃

是遣

且捨錢而買狗事或容易持刃而宰狗人所賤鄙苟使

太寃有挽解之功而無聞關之罪則如許賤鄙之事何

不諉之於日宅而甘心自當乎此一款殊為訝惑

是乎

屍體受置事

設

太寃家之遠而狹窄日宅家之近而空

闊姑舍之噫彼李台史者既以日宅為元犯而置屍於



日宅之家及其入官而發告也又何以太寃為元犯而

日宅為挽解之人乎屍非吉物人孰願受而手足既縛

矣檐人既散矣無言受置勢所固然分此除良慙患苦主使

搜元犯一何智也茶受屍體自作真贓又何愚也反覆

思量不得其故是乎返葬酬酢事陵茶聞立證者乃是

安尚云是乎尚云初招曰但見日宅之口似有言語之

幾是為置賊以前捉不以後捉言以耳聽不以目聽是去

見其口而似有幾云者何足為殺獄之明證乎况亦太

寃日宅同被綁縛同坐一處則太寃所聽之處此等酬

酢雖低聲細語豈可生意乎至若七八歲兒曹之說此



是日宅之亂招彼此無當全沒緊要于仍假今日宅真

有反英之說愚氓之怯於殺獄者雖非元犯不是異事

是乎總之四條證案姑舍勿論噫彼李召史者身作冤

家苦主苟有一分人心變幻元犯疑亂獄情是豈常情

之所忍出乎初招之以朴為讎若非受賂而舞奸再招

之以金為仇必是見敗而媒禍初招非詐則再招必誣

二者之中居一於是此女之言豈可以苦主而準信乎

今以伊時刑吏之招觀之則李召史之更招其在初撫

文案雖以同日更推循例修正是乎乃李召史發告在於

十六日其變招在於二十二日是為置如所謂李召史之言



都不足取信然必欲擇於斯二者則其夫絕命之初悲哀出於情真奸誅未及萌動此時所言或可憑信而夫死七日之後其屍已冷其悲稍緩則私意積流喉嚨交攻此時所言豈必真實以此言之再招之可信不如初招雖然今若以太寬謂之元犯則取考前後文案亦無斷案明證之可以歸一者

是乎所

墟市歸來醉步施施狹

路班荆弄談相戲轉輾層激遂至闐闐當此之時何者獨惡相與拳踢何者獨善極力分解乎分解之過例爲闐闐設令某甲初則分解畢竟觸憤都成闐闐則三人滾合弱者被傷勢所必然

分此除良

春延正是他郡之孤蹤



太寬日宅同是正邑之豪民手勢足勢偏湊春延而太  
寬日宅如釜似鐺無玉與石故春延之未死也問病則  
同往買狗則同議甲打乙解之說乙打甲解之說都不  
出於兩人之口是如可及夫春延之既死也我躬不閱各

自圖生則金諉於朴朴諉於金乃欲歸罪於一邊乙仍

今於行查之時必欲區別其元犯次犯而指一歸重則

難免猜模易涉牽強是乎設今日宅之罪較重一分太

寬之罪較輕一分論其所差宜不相遠是去太寬不踰

十朔無端自放日宅罕囚六年終抵大辟其於平允之

道恐或未盡是乎第念證叅俱絕獄情已老初覆檢之



未能查出者今於六年之後雖欲追覈只益疑晦若但

以前後文案及日宅招辭遽然論斷謂可審克則獄體

至重法律至嚴有非一二查官所敢輕議是如上項金

日宅者更加嚴刑期於承款恐不可以道以參商論理

啓聞以待處分為只為云云

觀察使李義駿狀啓跋辭曰此獄段溯考錄啓文案參

互推官查報是白不無一二條參差之端故更推初覆

檢原案細細考閱節節憑準則當初錄啓未免疎漏仍

手因畧致辭以盡其窮覈之方是白大抵三人滾聞一

人致死不過因戲而成闕俱曰彼打而我挽是白衣冠



之一完一破伊日之脫著不同藥狗之或買或屠二人  
之情跡惟均以至生時之間病死後之見縛兩箇一般  
則正犯次犯之於金於朴都沒的確而特以屍體之不  
置於太寬苦主之摠告以日宅把作真贓已成鐵案而  
運屍之時日宅之居不幸便近摠犯之際李女之招太  
涉顛倒此又不足為斷案是白慊患屍親損財反葬之  
說不無知罪自怯之跡而尚云之證左雖甚糺糺李女  
之納指不啻丁寧分此殺春巡者非甲則乙而太寬之  
打著一款亦不明的則正犯之目終難捨日宅而歸之  
太寬是白推官之說難俱有所據詞證之參覈更無其



路論以情節實涉疑晦而人命至重獄體莫嚴非

臣淺

見所敢臆斷

是白如手

令該曹票處

為白片為云云

刑曹判書朴宗甲回啓曰二生一死曠野之混闢證左

無人始甲終乙若主之發告情跡絕疑似此獄情尤合

審究

是白手所

今覽查

啓日宅之為正犯專在於四條證

案而推官跋辭之儘意劈破者雖有疑信之相叅要亦

不無所據日宅之獨著衣果然矣則完裂非所較於脫

者太寬之手屠狗果是也則救療何獨在於買者屍體

受置果在於日宅被縛之後則無力可禦反葬酬酢果

在於太寬叅聽之所則不改自破所謂被縛之後也叅



聽之所也不見文案之舊載乃出正犯之今招則只以

死囚自明之辭執為昭脫之證者固不能無疑

是白  
乎矣至

於衣搭米擔既非鑿空之語手出狗肝云出樞庭之招

則以完而罪裂舍屠而答買昧彼此之形而失輕重之

分以是而證成其罪日宅之極口彌寃不是異事舉一

反三而推官論列之有據可以推知

是白  
如乎

大抵三人同

行醉而相譖譖之變而為鬪毆打者豈全毆打挽解者

豈全挽解雖被打者之手脚豈全不著於毆者挽者之

身乎不幸而一人死幸而二人生而此命之斷送莫的

其為張為李役婦之反覆不辨其孰真孰誣則一人之



為正犯而六年牢囚一人之為干犯而九朔白放亦其  
幸不幸耳今於年湮事過之後所謂屍親也干犯也緊  
證也無一見存而諸般疑端之見發於前日證成之鐵  
案者如是昭著今欲移罪於太寬則實無查究之處因  
以取服於日宅則終非欽恤之道原之獄情參以愚見  
施以惟輕之典恐不至大段失刑是白獄體至重有不  
敢直請 裁處為白查庭問目拈出文案中肯綮則今  
此句語中如雙執髻也七八歲兒曹也皆是文案之所  
無而難以因供言之太寬之辜徇日宅之口有言語之  
繁云者似已出於前後供招而亦不概見此必是錄啓



時節取成文之際過加刪沒而然殺獄錄啓關係何如

則罪人招辭多漏緊語致使獄情無以領會其不能致

察之失在所難免錄啓時該道臣推考何如

嘉慶三年七月初七

日右副承旨臣尹光顯次知啓

判付曰依允為審理時已有起疑措辭判下

不分此卿等亦

曰可恕屈法一款無容更議該因段分付道臣使即決勘

為良如教

刑曹關曰判付辭意施行為舉行形止即為狀

矣

聞宜當向關是等

事關用良

巡營關曰上項遂安郡殺獄罪人金日宅身乙依大明



律聞毆殺人條減一等之文決杖一百後流三千里

配所於咸鏡道利城縣別定官族使押送配所為去到

配即時可信人處保授安接令遣到配月日及保授人

役姓名以并自貴道依例啓聞施行向

松禾縣罪人姜文行查啓跋辭監司李義駿  
查官丁鏞

根因松禾縣有某甲偷葬其親於姜氏之山姜文行與

其族儀孫同往某甲之家見某甲坐於房中曳而出之

落于庭中適其地勢縣高房之於庭其高一丈有餘文

行立於火坊之上窓下炕牆方  
言謂之火坊曳而出之火坊之廣可

以容足也時又隆冬地凍而堅宜有所傷而既落之後



儀孫又從而曳其頭髮毆之踢之後數日某甲死初檢  
官以被打致死為實因以姜儀孫為正犯覆檢官鄭述  
仁以為某甲雖被毆踢屍帳初無痕損此必墮落凍地  
臟系震絕於是以内損致死為實因以姜文行為正犯  
三檢與覆檢合文行遂為正犯公議以為疑獄先是諸  
道檢官凡屍帳之痕損不明者輒以為內損主上下  
教設禁鄭述仁曰無寃錄明有內損之條豈可以一時  
禁令遂廢內損之名乎其跋文措辭論理斷以內損監  
司亦可之至嘉慶戊午夏上齋居理獄特拈金日宅  
姜文行二獄使之查啓日宅特蒙酌處而刑曹判書



朴宗甲以高姜文行查啓中或稱擠擲或稱曳墜永論  
荒雜奏請再查於是監司又以余爲查官旣查屬余爲

跋辭及馳啓文行亦蒙

酌處

戊午六月

今此獄事始旣三檢今又再查始則痕損不明實因正犯

之俱援今則證招差異擠擲曳墜之難分

是白如手

檢案旣已

歸一而跋辭未免模糊至承問備之命

臣

滿心惶懍靡所

容措第伏念擠擲曳墜之前後貳招雖若眩晦而靜寃程

面實無可疑曹啓中賢然萬章之身零已是文行之手釋

者實是當日真境

臣

之跋辭中亦何嘗有雍容垂下近地

始放底意哉曹啓旣以擠擲曳墜張皇爲說

臣

亦當分而



言之矣若云擠擲則是出階之後另用手勢使之颺空而  
橫落也若云曳墜則是出廳之時遂加揮霍使之因勢而  
墜下也若論手勢之順逆則階闊堂容兩足愈氣方撐一  
肘由房曳出待其著足於階上始乃另用手勢再煩擠擲  
者默想伊時光景太涉舒緩由房曳出之時勢迅機駛未  
及駐足而立階倏已墜身而落地者於勢爲順於理爲當  
三檢跋辭中階旣狹窄幸而斜墜云者最爲觀合分此良萬  
章之出階也必面庭而背房若果另被擠擲則仆身東地  
必致面部之攔撲何乃檢驗之帳初無破傷之痕乎其非  
另被擠擲卽此可驗若論受傷之緊歇則擠擲者必遙落



庭中曳墜者必近落階下擠擲者必另被新勢曳墜者乃  
因仍原勢擠擲者必全身顛撲曳墜者乃兩脚搐下彼猛  
而此劣彼緊而此歇臣之跋辭中若有差殊云者正為是  
也而若謂之擠擲能為內損曳墜不能為內損則是又情  
法之外也墜車躓堙猶或內損况七尺之階被人曳墜者  
乎臂腿下撲而急氣仰衝臟腑內震而係脉易絕則因仍  
致命理或無恠肚脹竅血未必不由於曳墜而實際真境  
不宜別求是白乎矣特與颺空橫落者不無緊歇之別耳其能  
內損既無彼此則其於又行之死生獄情之寃允無甚損  
益此臣所謂擠擲曳墜之貳招雖若疑眩而實無可疑者



也曹啓以擠擲曳墜之不能明辨咎臣不已臣固受而爲

罪然苟欲甚分擠擲二字原亦可疑臣以爲擠者推也擲

者投也擠之與擲勢各不同擠者撒其手而推之使之顛

踣擲者固其握而挺之使之投落擠則不擲擲則不擠合

成一事本自未瑩不審曹啓何爲而不辨也大抵老獄查

閱之法宜以檢案爲主不可以新招取準是白至於此獄

段毋論擠擲與曳墜都是獄官聽言而成文因意而下字

者細究字義雖若判異通論語意實易相混故因供則自

以爲毫無變改而查案則乃不免少有異同誠以言語文

字本自不同擠擲曳墜都非文行口氣文行兩言則自初



至今一直曰出而毘之所謂毘之或補毘諸刑吏檢官譯  
之爲文或補擗擗或補曳墜理宜活看情可推通又何得  
研覈字義有若經典之文乎哉此獄所爭不在乎擗擗曳  
墜而唯在乎內損被打誠爲內損則當死者文行若是被  
打則倖違者儀孫八字打開宜在乎此雖然臣之愚昧獨  
以爲雖曰內損亦未必文行爲正犯何者毆踢之法必兼  
推擠滾頓之身必受翻覆推之擠之手勢易及於脊背翻  
之覆之臟系或受於震撼則豈必內損之祟不由於儀孫  
而償命之案專歸於文行乎今欲緣情而起疑求生於必  
死則內傷終涉於求索儀孫竟歸於脫空此或爲却顧之



一段

是白

屢度查閱詞證亦既歸一則償命之案文行宜

不敢掉脫

是白

一直漫漶連事抵賴者極為狡惡更加嚴

刑得情何如

是白

喻

刑曹罪人咸奉連獄事詳覈回啓

刑曹奏議丁錦

事實嘉慶己未四月余自谷山承召還朝未入城

中批除刑曹奏議令審覈中外獄案其已成鐵案者本皆

循例回啓一日

御判若曰咸奉連獄事或有疑端卿等看詳回啓余欲

取初覆檢文案觀之曹中大小僉曰此獄已過十年今

成鐵案者詳無益余令曹吏取來讀未半知其為至寃



遂論理回啓朝而獻葵日未午曹中大沸院隸傳

御判直於曹庭進咸奉連解枷杻賜衣冠白敎原文案付  
之鬱攸○咸奉連者楊州議政里民也平倉卒某甲督  
還餉到議政里金太明家取贖而去路遇太明太明還  
取贖某甲不肯太明遂撻某甲之腹以其膝骨撞等膏  
臆奪贖而去路遇咸奉連負樵而還咸奉連者金太明  
族人之傭賃也大明遙呼奉連曰彼去者賊也盜吾贖  
者也汝其批之奉連負樵而立以手擠其背某甲仆於  
田間卽起而去歸之平倉嘔血數升謂其妻曰殺我者  
金太明汝其報讎備告之故言訖而絕其妻走告北鄰



北部初檢之狀其屍帳曰膏肓一處紫黯堅硬圍圓長  
三寸七分鼻口血塞此外都無痕損而實因曰被打致  
死正犯曰咸奉連看證曰金太明蓋里任及三切鄰之  
招並云奉連擠殺之也漢城府覆檢並與初檢同刑曹  
月三同推回啓並請償命大臣獻議政院議啓並同已

十二年矣

已未五月  
月日

回啓曰

臣

等於昨日議啓之時只取文案中素稱疑晦者

著意論啓

是白  
遣

至於咸奉連事

段

曹中吻議素稱鐵案故

只得循例請刑

是白  
加

厄及承

聖旨特拈此獄令

臣

等省詳

議啓

臣

等仰體欽恤之

德付

盡敬明之義

取考

初覆檢



文案覈其根因

是白

則獄情至寃節節違理始焉起疑終

於無疑

臣

等昨日議獄不審之罪無所逃焉病心惶懼靡

所容措

是白

原夫斷獄之法厥有三據一曰苦招二曰帳

驗三曰公證三者相合其獄無疑三者相違其獄未究

是白

去今此咸奉連獄事

段

檢帳痕損與苦主之招翕然相合

而棄此不用全憑亮身之歸辭參以切鄰之証招以定實

因以撥正犯

是白

入門呼妻所煩寃者金太明三字灑血

指仇所願報者金太明一人原初所督者金太明之穀因

而所奪者金太明之犢其里則金太明之所盤據其鄰則

金太明之所號令其在獄體唯當於金太明身上十分致



意

是白去

捨射而問狐網魚而離鴻忽以咸奉連爲正犯不

亦謬乎况

務

搜犯之法全在痕損苟其痕損明在咸奉連

之手頭則太明雖豪奉連雖殘痕之既移犯固當搜

是白乎矣

今也不然等之者太明之膝也擠之者奉連之掌也膝之

所著非卽膏肓乎掌之所帖非卽脊背乎脊背則明白無

一痕膏肓則紫髯者三寸執此痕而求此犯誰其當之鄰

證則曰擠其背而殺之屍帳則曰執其膏而驗之酒薄而

城圍范冠而鼻衰其於情遠矣况

務

太明等之奉連擠之

則其實因之目不曰被等當曰被擠

是白還

苦招鄰招都無

一打字之發口仰面合面亦無一捧痕之著身

是白去

今忽



斷之曰被打致死天下有如是微體乎若云被擠則背無傷痕若云被辱則罪歸太明故漫漶其名謂之被打手仍

擠猶寃矣打之謂何况孫證也者公證也苦主不能爲證

以其志在於報仇也犯人不能爲證以其志在於圖生也功鄰爲證者爲其情均於左右也倘觀爲證者爲其身起於死生也今此獄事乃以金太明爲看證金太明者以正犯被告者也正犯被告者其可爲公證乎志在我生還恤人死在太明則以已而證已在奉連則以敵而證敵其亦寃之甚矣况孫鄰保無非太明之姻戚里任都是太明之聲援衆口和同以成此獄而苦主發告之狀屍帳堅硬之



跡前後文牒都無所論揆以情法極爲踈忽

是白如乎

今欲理

寃而伸枉必取金太明諸人鉤覈如初撫然後始可辨白

是白乎矣

其間歲月已過十年其應問各人之死生去留都不

可知若查驗路絕則奉連之寃無以得雪第令畿營行查

論啓何如

判付辭旨文辭而語長今不能盡記中間有財羅貨網積  
離靡托之客驚等句末曰咸奉連直於曹庭白放原文案  
付之鬱攸金太明令畿營減一等查處



黃州申著實獄事 趙葵

黃州民申著實亦以賣錫為業有某甲賒喫錫兩個不  
酬其價至歲末著實至其家督之某甲不酬轉相爭詰  
遂至勃怒著實以手擠之某甲被擠適其背後有支宮  
仰卧支宮者所  
以擔擔支宮之角正中某甲之肱門上衝腹即  
即刻致死以至成獄○嘉慶戊午秋余至海州道內守  
令多會芙蓉堂咸曰此因以二葉錢之故而當刻殺人  
必不可赦余與鄭判官述仁獨曰不然厥明年夏在刑  
曹議獄一日 趙葵曰黃州申著實之獄不無可議誠  
以支宮之角亦非直鋒其勢肱門之孔亦在隱處巧與



相衡非人之所能為者著實雖有擠人之罪而無殺人之  
之心

上節命承旨書 御判若曰至尖者支筭之角也至小者

肱門之孔也以至尖之角當至小之孔天下之至巧湊

也

以下令不  
能盡記

於是著實乃得酌放



申明掘檢之法教文跋

昔我肅祖之教有曰殺獄之最緊最重者莫如檢覆間  
有外方守令任意增減獄事遷就至于數十年不決而寃  
死獄中者自今以往該官必親自開檢一從無寃錄毋或  
有難明未盡之患亦惟我寧考之教有曰檢驗雖不實詞  
證俱備則不當追檢况已埋者乎周文其猶掩骼今則至  
於白骨檢驗予則曰當之者無異再被殺越或有不償命  
者殘忍莫甚此後殺人之匿埋者依例檢驗後自官埋置  
其他已瘞者勿檢大哉聖人之言也向於賓對相臣以為  
自有先朝掘檢之禁令京外不敢開檢按驗不無幽鬱



之慮予於其時只知有 肅祖受教詢于廟堂爰及三司  
緝有玉堂劄請掘檢予意亦以爲然今見 先朝受教則  
一如 肅祖聖意大抵無寃錄掘檢之法欲防私和匿理  
之弊則 先朝受教中殺人而匿埋者依例檢驗之教卽  
肅祖受教中一從無寃錄之教也今有議者或以下句  
中其他已瘞者勿檢之教謂有朝禁而此則有大不然此  
指白骨檢驗之謂也若不許久近而通指已瘞者則豈有  
上欺匿埋檢驗之教乎然則向者相奏堂劄亦由於誤認  
受教而其意實不出於受教之外也今別無申寃令甲之  
事但當一依 兩朝受教導而行之至於事在久遠者或



因此而爭起互訟欲掘白骨則甚非先王欽恤之本意也今日以前已埋者便屬令前切勿舉論此後又或有年數已久而猶不可不掘檢者亦勿輕自開檢必也啓聞後施行

臣謹按開棺之檢發塚之檢明載無冤錄此是自古流來之經法近世守令吏胥之等但據大典之增注每云掘檢新有朝禁必待監司狀聞然後乃許開檢凡殺人匿埋之獄例不得請其開檢因此有辯殺者律違而不抵殺誣者瘞死而難白豈不哀哉夫匿埋之檢時刻是爭千里馳奏待其回下動經時月有不腐爛靡憑者乎



臣嘗疑之令考列聖御製得此教文始知大典增注  
原係當時誤讀聖旨非我列聖真有禁掘之令也  
今查肅宗下教曰開檢一從無寃錄而已無寃錄既  
許其開棺發塚則肅宗無此令也又查英宗下教  
曰此後殺人匿埋者依例檢驗其他已瘞者勿檢匿埋  
之檢卽是掘檢則英宗無此令也二祖下教若是  
明白而大典之注如彼相戾者特以英宗下教之末  
有其他已瘞者勿檢七字故增注之日添入此條也夫  
檢屍之法不惟殺獄有之流配罪人路傍僵屍及自縊  
自溺之類皆法所檢驗故英宗明立科條曰殺人匿



理者依例檢驗其他已瘞者勿檢其他云者非殺人之  
謂也 正宗又以此段解之爲白骨檢驗然已瘞二字  
不分久近未必惟白骨者當之然且白骨之外 正宗  
皆許掘檢其所謂狀聞後許檢者乃年數已久之屍也  
然則年數未久者雖不啓聞直當開檢並不必稟命於  
監司也然大典之注令成法例宜自刑曹表章此教知  
會諸路使自監司曉諭列邑先期約束凡有匿埋者勿  
稟上司直自本縣爭時開檢庶乎獄理無冤也若法曹  
無此知會爲守令者不得不諭稟監司以請處分而已  
若是者 先朝教文宜別自騰報附陳辨破之說乃免



上司督過不得以所秉之直而必其無事也○大典通  
編增注云殺人匿埋者依例檢驗其他已瘞者勿爲掘  
檢又云凡當掘檢者勿爲徑自開檢必先啓聞舉行此  
今日之所宗信也然通編成於正宗初年教文出於  
正宗中年按獄者顧不當以教文爲主乎通編如此故  
當時詢于廟堂爰及三司緝有玉堂劉請掘檢而教  
文於是乎頒下也然則通編刊正一時爲急豈可一任  
其眩惑乎



欽欽新書卷之三百二十八

冽水 丁鏞 著

剪跋蕪詞二

谷山府罪人金大得跟捕查決狀

嘉慶丁巳八月十三日東村梨花洞尊位洪致範報曰  
本坊月川谷居民折衝金五先去七月二十六日自咸  
鏡道求豐地買牛還求是如逢賊致死今月初八九日  
以來傳說頗多故親往五先家探問形止則五先子完  
甫完春曰吾父素患膏腹痛路中猝發以至不救實無  
逢賊之事歷問鄰里所答如一初十日申時量已為埋



築而賊殺之說終不止息故茲以肥報○梨花洞距府

治百餘里南接伊川之古尾灘東連安邊之永豐社北

通安邊之老人嶺亂山叢林素稱賊窟苟非親至其地

無以覈其實於是無寃錄有以檢地為名檢地法即起肥往左

右交諫皆不聽十四日親至門巖洞口金五先致命處

設計鉤覈執得永豐人李好天之子李奉位年十六李昌

仁年十五以來處之密室令中軍姜鎮周多買絲組蜜餌

誘之使言乃得其實於是發二校二卒令帶二兇跟捕

賊人果於八月二十八日執得亮身報營而殺之

報狀曰本府梨花洞居民金五先去七月二十六日逢賊



被殺緣由及各人等招辭今月十五日已爲馳報

是府

使以監試參考官十六日發行馳進營下而金五先被殺

時者證人李奉位李昌仁西兒或誘或嚇多般鉤問期於

吐實

是

李奉位李昌仁等更招

四

上年十二月我等往

安邊求豐地法串市實得海藿將以駄牛忽有一漢似是

店舍雇工滿載材木驅牛過去

是

如

解之於店舍門前來

立我前撞舉海藿試其輕重謂我等曰任重而牛小何以

駄去正語之間村人數三驅牛過去遙呼厥漢曰金書房

金書房不欲同去乎厥漢曰吾則勅姑木中折

所

以無以

駄牛君輩暫留與吾同去我等於此始知厥漢之爲金哥



是白

我等力弱任重令金哥助力同載

是于則

金哥曰勑姑

木今當改造與彼人同去吾事甚忙無以助力我等再三

懇請金哥龜勉助力

是白如于

金哥之面目身標伊時詳見

是白

尼加

去七月二十六日日沒時自谷山地驕牛過門巖水口

忽聞路隔林藪中有人聲喧起又有黃牛一頭放在豆田

我等高聲曰連執彼牛牛將相聞語未了驀見林藪中有

黑物攫人

是如可

起身躍出向我等拔刀大喝曰汝若作聲

吾當刺汝此時刀腮血痕鮮紅

是于

前到我等牛下將欲

摔下路傍適有凹陷處賊漢顛躓未及起身我等乘此時

猛鞭驅牛急急前走

是如可

伊時見其容顏乃是上年十二



月法串塲店舍前助力駄養之金哥也亮人容顏段面色

白顴骨稍高兩頰剌殺準高頤尖眼胞凹陷眉毛豐黑髻

大髯微頭髮四垂年可二三十身長中人是手棉布小敝

衣兩裾後結刀長數寸是手牛毛色段黃色牝牛不大不

小兩角前曲額毛如羊兩肋有瘡膿汴露出厥漢今若捉

來對面可以明白今別是白相考處置亦為有府使於營

行臨發之時以兩兒招辭書授譏捕將校金光允沈昌民

等使之前往永豐法串塲近處各別譏詞期於捉納是手

府使還官後今八月三十日戌時量同金光允沈昌民等

捉得賊漢金大得為名者還現是如當日金光允沈昌民



所告內矣等於八月十六日奉令出去與李家兩兒直到

永豐法串場近處變服潛行多般採探是如上年十二月

村木輸運原繫誰家成造喻是各別探問是則本里韓哥今

年造家而上年十二月果令一村動力輸材故伊時輸材

諸人使兩見面面看審是乎皆曰非也非也於是十二月

以後本里出去之人又從別處探問是乎則李光仁家雇工

金大得者今年七月無端出去是乎蹤跡影響無人明說

故矣是等轉轉追蹤密密採根中間設施方畧一口難說是如

乎八月二十八日酉時量尋至安邊地老人巔底細洞村

距法串場八十里窮山絕峽人跡不到之處草屋二家之



前執得金大得者不卽結縛率至山腰林中令兩兒看雷

是在

果兩兒同坐林中望見金哥之來看毛跳動神色勃興

瞬謂

矣

等使之連縛故

矣

等謂兩兒曰此是彼漢人鬼立

判之時汝曹青春不宜使曖昧之人冤枉死

是白

則兩

兒怒氣勃興面色紅赤如鷹見雉突然起立聲聲咆哮云

吾曰結縛便當結縛此漢冤枉吾當殃及又曰彼漢前於

門巖水口乃欲拔刃刺我執足摔我速宜結縛此時金哥

面色如土體顫股栗嚔喘一聲曰汝曹與我有何冤讐汝

曹如此吾今死矣更無一言發明

矣

等觀此時光景天機

流動鬼神森列故卽行結縛而賊漢容貌詳細看審則果



與兩兒十六日所供一毫無錯故更不盤問取路文城罔

夜率現

等為以

依例取招

次

○招辭並刪

跋尾曰此獄

段

兩兒之前後指證既無差錯二校之轉輾

跟捕綽有脈絡海菜助載之時金哥之酬酢爛漫則識面

本不依偏材木輸運之後韓家之成造的實則追蹤又非

荒唐

是手

水口喧起之際黑物之放牛殺人看審無錯山

腰望見之初赤面之如鷹見雉光景如畫至於賊人之容

貌牡牛之毛色被殺之月日行兇之處兩兒招賊招一一

相合

是

乎則傷痕事實設有差錯尚不足一毫置疑

是去

况

三處刀刺前招既明而更招時咽喉之說尤若合符一



聲咆喝現說既合而對質時顛躓之說又如破竹分此良金

哥二字已出於發捕之前則大得之被捉兇曹何以預知

玉圈一雙乃發於標驗之間則五先之折衝賊招豈能偶

合至若屍親金完甫等招辭中左股腿肉上有被打棒痕

而賊招曰初無棒打之事此以差錯是乎被打留痕既是

完春之臆見落地致傷又有賊人之起疑則揆以事理既

服刀刺不服棒打斷無是理是如金五先之被刺金大得

之正犯左右叅驗毫髮無差有獄如此何用審究論其情

節不可但以償命了勘是乎第念殺獄至大人命至重故

殺獄之行檢者初檢雖曰無疑覆檢在所不廢是如此獄



段既以查代檢初查雖如是明白差官覆查未知何如

云云後數日因營題擬殺之

遂安郡崔周弁妻安台史獄事覆檢案跋詞

覆檢官谷山府使丁鏞

為等各人等招辭是置兩屍並命二檢同行而事繫復讎

犯者首實外面看來若無可疑是乎靜究獄情有不可輕

斷是如原夫復讎之獄宜溯結讎之源讎在必報則報者

無罪讎在可疑則報亦可議豈可以名曰復讎而不揆義

理之當否不察情跡之然疑直斷之曰義義烈烈予之以

節俠之風哉今查崔周弁被傷之根因安女謂由於爭米



之聞閨宰女謂由於脫袴之戲黽安女則曰刃尖直刺而  
刃毒深入宰女則曰刃刃橫打而皮面小傷其聞其戲用  
意之善惡判異其刺其打下手之緊歇懸殊卽此二事其  
讎之當報與不當報其人之當死與不當死判焉豈可以  
已死之故而歸之於當死方生之故而傳之於可生以求  
目前之收掃哉嘗誡思之守倉諸人在二屍俱是同官劫  
鄰諸民與二家均爲同閑設有愛憎不敢扶抑而譏弄致  
傷之說周弁生時親口自言此是同然一辭無少參差分此除良  
脫袴掛項名曰通天之冠露陰打臂號爲拱床之罰雖欲  
不謂之戲弄其可得乎况孫割餅之刀本非利刃著緊之



襪未嘗穿透則畢竟流血誠一疑案况孫倉監段坐於隔

壁之房不聞聞開之聲倉庫直段目見其時亭女呵呵大

笑本事若出於聞聞則人方刃傷顧安得呵呵大笑乎况

孫周弁被傷之後至於一月之久本事若出於聞聞以若

怨盡又何不登時告官卽此數事周弁被傷之出於戲弄

十分明白孫是乎被傷數日之內又能舉斛而行庭負苦而

入庫則手勢之不猛刃毒之不深推此可知且以櫺帳觀

之左踝下刃傷處一孔斜長一寸三分其深至於九分四

畔微硬膿血塞孔執此以言操刃者當死是乎不惟是也

仰面之左臑肘左脚腕左脚面瘡陷處合面之左臑肘左



脚踝左足背瘡陷處總計六孔或大或小或深或淺皆四  
畔微硬膿血塞孔與所謂刃傷處一孔無甚異同是皆因  
成柱之所刺乎安女則曰鐵氣布散瘡毒蔓延是如是乎矣今

考法文之刃傷條醫書之金瘡條布散蔓延之症終無所  
論誠以刃傷有異於蛇傷金瘡不類於癰瘡則布散蔓延  
於理無當雖以手執言之右手執刃對坐而橫打之則刃  
刃必當左踝之側右手執刃當面而直刺之則刃尖必當  
臍胸之上是去今此刃傷既在左踝之下其為橫打明甚  
是若謂之自左直刺則刃尖之長宜不過一二分而已刃  
孔斜長何至於一寸三分乎即此一款其非直刺明甚是乎



入厥翼既剪其吭乃斧執跡以論同謀可知其所謂獨辦  
之說亦不直甚矣總之妻復夫離出於綱常之大義其事  
非不奇矣其節非不高矣雖者怨耦之稱也怨耦亦有多  
等若使成柱之犯手出於必殺之心而刃刃之著體在於  
必死之處則安召史之懷刃報仇豈非烈烈賢婦人哉今  
也不然其本事則戲弄也其傷處則踝下也其手勢則槓  
打也其病祟則觸風也幸而不死則不過一笑而罷耳故  
沈淹一月辛苦萬狀而隱刃待瘳終不告官是如不幸而  
至死則當刻之內毒刃直擣於喉嚨擗椎亂落於顙面手  
勢之迅急傷痕之慘毒百倍於周弁之所傷是如是蓋紳



曲愚婦耳但聞夫死則報仇不計本事之非殺揆以情法

恐不可以復讎之故只用復讎之本律乙仍為先著枷嚴

囚以待處分

為予

崔青五季好乞等

段

不縛成桂只縛親

屬陰主共殺之論外逭助力之罪究願所為極為狡惡此

正合於大明律謀殺人條擁迫遮阻使之無所逃竄之註

是如

一體著枷嚴囚以待處分

為予

閔小白

段

臂雖被縛

或以身翼蔽或以脚捍禦無所不可而目見此事曾不能

一聲奔救人理滅絕已無可言亦為嚴囚

為予

此獄有一

言可喻者若使安女不自報仇循例告官則治此獄者其

必曰刃刺而殺之乎斷此獄者其必曰償命以懲之乎若



於是有所持疑則安召史之妄殺人命不得無罪是乎此

路一開後弊無窮節使傷理非法之所宜許是乎者證以

下各人置仍因以待為乎兩屍帳各三件中良地字號勘合

書填各一件給付屍親各一件官上各一件粘付上使為乎

孫兩屍親段既經覆檢使即埋葬恐為合當行亮魁杖段

兩屍所傷本是一刃故與安召史行亮砧并一體圖形上

使為乎府使自此還官緣由并牒報云云

遂安郡守南涑初檢狀以崔周并為被刺致死以閱成

牒為正犯以安召史為烈女而余之覆檢狀如此營題

從初檢狀白放時守令有自補解幸者代為題辭其後



後數月安台史謠奔○此獄大是疑案襪布不裂而皮  
肉先綻至於流血有是理乎以此觀之或恐崔周弁先  
有癰毒被刀頭打破所以襪布不裂而流血外透也六  
孔蔓延之瘡豈非癰毒乎然則安台史行剝尤屬非理



擬康津縣白家女子必娘必愛自溺覆檢狀題詞

云云情景之淒切聽聞之殘酷豈有甚於此獄者乎筐篋  
同携遵弓渚而採藥裙帶相結望清池而落花見之者傷  
心而酸鼻聞之者消魂而斷腸鄰里爲之努目行路無不  
咄口噫彼羅女雖使渠自爲之解說其亦何辭而免死雖  
然天下之至重者倫義也微情雖似悲冤倫義宜先講確

是如

安一杓之文報曰不勝緒母之驅迫朴就道之供招

曰不勝緒母之驅迫白文一之招既稱後妻亦云其子之

緒母

于仍

驅迫則驅迫也而緒母則緒母耳與庶母乳母

之等不旣天淵乎父母之於子女上雖不慈下不可以不



孝故周官八刑不慈之刑未之聞焉薛之緇母日以殺薛  
爲事完井塗廬無所不至可謂殺無赦者堯之刑未之及  
焉斫牀而醜酒者王祥之緇母也廬閭而掃庭者薛包之  
緇母也使二子者不忍荼毒自殘其命如必娘必愛之爲  
則是亦傷心斷腸可憐之鬼耳然晉之二子者盡其道而  
緇母受底祿之美今之二女子逞其毒而緇母受逼殺之  
名今若以二女之戕身謂可使羅女而償命則是孝子之  
母雖大惡而無傷悖子之母雖細故而必殞豈有國勸孝  
懲惡之道哉雖以得孫之招言之其父則曰後妻其子則  
曰賤畜其父則曰緇母其子則曰非母卽此一歎敗倫亂



常無餘地矣。抑又論之。倫義雖重。苟其逼殺之跡至慘至

毒。或施之醜毒。或埋之咀呪。或誣之以淫行。或陷之以竊

盜。寃酷翻中。哀怨徹天。不得不自戕其身。則母之名雖尊

女之寃宜雪。是乎矣今也不然。所以爲勅磔之端者。不過曰

棉絮之價八錢耳。雖使八十之錢。直消於羅女之手。是良

容喙其間者。已爲不孝之子。是去等况稱取而用之者。匪母

伊父。因而未報者。匪富伊貧。以此含憾。以此起鬧。作今古

所稀之變怪。貽父母難洗之惡名。以此觀之。其性行之悍

毒。志意之偏曲。可推而知。今但以結帶投池之慘。不忍加

之以不孝之罪。則此婦人之仁。非執法之論也。夫以得孫



喜孫之私怨鄰佑地保之公憤何言不高柯罪不彰而棉  
錢八十之外再無形顯之罪案八十之錢果足以賊母子  
之恩乎若平日驅迫之說此所謂不問可知翁癡媼慧家  
道乖反而前妻之子六人如虎如狼看怨看罣重以瓶罌  
無斗粟之貯杼柚之餘絲之藏雖使六箇男女盡是羅女  
之已出必不免種種艱苦是去况於前妻之子乎情志不  
孚疑怨易生腹中空則怨母體中凍則怨母羹不盈豆則  
怨母襪不掩趾則怨母男不娶則怨母女不嫁則怨母翁  
媼相樂則怨母訓戒多方則怨母翁嗔則疑之以母譏翁  
嗇則疑之以母過兩兄以頑悖之性勸之以速死四鄰以



容悅之言激之以可憐積以歲月凝如鐵石馴致投池之  
變以示徹泉之寃所謂驅迫不過如此攜而死者非曰不  
悲為厥母者不亦難勘反覆究詰既無逼殺之真贓左右  
叅量終覺倫義之為重雖然事已至此不可無罪羅女段

嚴杖三十度放送

為

白文一

段

以家不齊罪所當依律

是

矣老矣不足責答三十放送

為

白得孫

段

渠於查問之下

敢以賤畜等說背馳父說有若相訟者然所關非細然亦  
不足責決杖三十度放送

為

兩女子屍體

段

許令埋葬之

意

並

只初檢官

中

校移施行

為

一言以蔽曰殺其母以虐其

子之寃天下寧有此倫義此題詞一通騰示坊曲使愚夫



愚婦咸知倫義之至重事一體枚移施行

年月日

此乾隆戊子三月事也余初至康津見其獄案初檢覆  
檢及監司題判皆云羅媼可殺於是初同推以三稜杖  
撲殺羅媼於聽潮樓前觀者如堵莫不稱快余沈思良  
久曰羅媼之死寃哉遂奮筆爲此題詞然左右莫之肯  
信其後羅媼亦里人趙東赫過余與語偶及羅媼事感  
言羅媼性本良順實無驅迫之事而白家兒女性皆猜  
險必娘必愛尤極虎毒竟致滔天之變鄰里物論皆悲  
羅媼之寃死至今嗟惜云○又鄉人金安宅云年前有  
一丐者至書齋衣不掩體顏色浮黃匍匐行乞問其根



本曰我自得孫也我之緇母至寃就死我心知其寃而  
不能伸救一自其後百事不成以至於此天之報應又  
誰恨哉以此驗之羅媼之寃明矣

康津縣趙奎運爲子復讎一獄而檢案批評

評曰咽者食嚙也喉者氣嚙也額額在外咽喉在內無寃  
錄仰面圖列書咽喉者或值刺殺之獄欲驗刃入深淺及  
嚙箇之或連或斷也至如毆打外傷之屍其屍帳目錄不  
當開列咽喉今此檢帳乃云咽喉食氣嚙等處青黃色相  
離脫胗亂起嗟乎異哉爲檢官者苟無秦越人之銅鏡何  
以見咽喉之上有青黃色相離脫胗亂起乎且咽喉既有



此形色食氣噪又有此形色乎有檢眼突之屍者書之曰  
兩眼突出兩目又突出未有不呵呵大笑者夫檢狀者人  
命死生之判也隻字片言不宜放忽而其鹵莽淺裂如此  
不亦難乎檢官委之胥吏監司委之裨將蒙然而報之蒙  
然而題之順且無事習以爲常不亦荒乎

評曰食氣噪又有青黃色血瘀乎頰在下額在上則謂之  
頰骨可也頸在前項在後則謂之頸間可也無冤錄曰頰  
在喉骨之上古文自頸之人每稱刎頸則內曰喉而外曰  
頰內曰噪而外曰頸可知也混沌文字每云食氣噪有血  
瘀不亦謬乎



總評曰一獄兩檢此比有之乃謂之前所罕聞此一句已  
驗生手且凡實因執定之法雖四肢百體都有傷痕必其  
中選執一處以作致命之傷此法例也雖其傷痕不重若  
繫要害之處則執之雖其部位不重若受猛毒之痕則執  
之雖其外傷不重若有內損之驗則執之執之之時正要  
凝神一慮默運權衡錙銖毫釐較量輕重此按獄之法也  
今混沌說去曰肋脇臍肚之諸般痕損俱是猛打之致天  
下有如是檢狀乎且凡手打不足以殺人非以壯士之拳  
正著弱男之膏未有當下而致斃者馬八之行虎兇仗既  
無所指告者亦無所拾得者則是手打而已手打之獄宜



論手勢手勢之所不便非手之所能打也頰可打也腦可打也脊背可打也胎膊可打也而臍肚肋脇之隘非手之所必及也且槌招辭始打腮鬢終又脊撞而脊撞之時手執頭髮則所謂脊撞者足踢而腳踏之也足踢腳踏而死者圖圖書之曰被打致死天下有如是檢狀乎豈被打二字爲拳毆足踢之總名乎今觀屍帳臍肚間四尺之痕右脇上八寸之痕固爲致命之傷而腎囊浮高尤是要緊之證則趙城得之被踢致死明白無疑而脊撞二字不分手足一言以蔽之曰被打致死其可乎且凡內損之法必五臟受損然後方爲速死腸部之損古所未聞特以臍肚非



五臟之所在故改臟爲腸然腸之爲物柔能勝剛非脊撞  
之所能損也內損腸部抑又何說○馬八之爲此屍正犯  
固無疑矣然若以結縛懸掛之時無一言自明爲馬八之  
斷案則抑又寃矣當奎運結縛之初羣拳亂飛衆足交踢  
雖蘇秦復生固不能一言而死况其懸掛之時氣已塞矣  
魂已飛矣雖有徹天之寃能一言哉○金升甲脚戰之說  
旣無一人之公證則抑台史之招自歸虛妄雖然方其納  
招之初金升甲三字不免升降出入於正犯之目天下有  
以擬議於正犯者移之爲看證者乎大凡看證人執定之  
法必以無疵無瑕至公至平秦不關楚不屬之人用之爲



證以決其獄正犯擬議之人何可爲者證乎身陷正犯之  
科圖免正犯之目者其又有公心公言哉憶在

先朝令

賤臣

雷理楊州民咸牽連之獄乃其初檢以正犯

擬議者降之爲者證

賤臣

執而奏之

聖上特降明旨焚其案而滅之此可驗也以此獄言之崔  
再龍李德誥真是堂堂者證舍此不用必取金升甲而爲  
證者抑何義哉金升甲真所謂詞連者也

評曰約正何罪也雖儕友之間父報子讎如虎失彪人莫  
敢嬰其鋒者况趙奎運土豪也姜益輝里氓也馬八之縛  
何以解之且凡干證之名非必有罪者當之苟其目擊親



功則雖無罪犯可以爲看證也如其傳聞依條則雖有罪犯不可爲干證也今也威論姜益輝之罪而罰之曰干證懸錄有若校生有罪而罰之軍役者然文理其宜然乎若夫傷處之無所指之實因之通稱被打前旣言之矣又何譏焉

右跋詞之評

評曰馬八妻子不救馬八之罪豈可如是而止乎君顛不扶此逐臣也兄難不衛此悖弟也况於父子况於夫婦哉當馬八被縛之時其疾痛急迫冀援救者豈有過於妻與子者哉當此之時顧乃竄身匿影惟恐餘波之或濺袖手熟視不欲絲毫之出力論其勢力雖若以鄙而敵楚揆



之倫義何忍如越之視秦傷天理而薄人紀未有甚於此  
者也每見獄官凡係屍親輒以惻傷之意多從寬假之典  
此所謂闇於大體者也題辭中不舉金升甲三字亦太疎矣  
右題詞之評

此乾隆辛亥四月事也偶見其案牘繆甚多戲為此評  
○此獄初檢狀兩屍各為一狀大違格例故刪之只取  
覆檢狀評之



擬康津縣朴光致檢案跋詞

代人作

云云朴光致致死根因揆以詞證雖似由於被縛斷以檢

驗實不外於自縊

是如

屍親之招一則曰結縛此接

是乎

兩胛磨脫之痕若存若無甚不分明其未嘗牢縛可知

分此除良

若果牢縛則沉醉憤患之中氣悶喘塞當下致命猶

之可也穩宿一宵既有柯鶴山之縣避飽喫一盃又是李

翼馨之目覩而猝然致死於時移痛定之後者已是常理

之外

是乎

二則曰拳毆足踢無所不至

是乎

論以屍帳則

右臍肋一尾痕之外頭顱無恙膏肓無恙腎囊無恙脊背

無恙凡屬要害之處無不如常

是乎

則微毆小踢設有當時



之兩犯真傷實驗奈無今日之可執

是字

三則曰化山以

一條蘆索束縛先致之項卧之麥田之中

是字

看證兩人

之招皆云項則不束

除令此

若謂之勒結則其結締之痕必

交在項後

是去

今此黃赤之痕由顏左右只成一路密著

於兩耳輪之下其非勒結可知也若謂之活套則必也牽

曳而後方有致死之道

是字

仰卧而被牽則背肉宜有磨

傷俯伏而被牽則面部豈無磕損其非活套可知也將謂

之吊掛乎雖以善興輩之必欲甘心吊掛二字亦未嘗發

口則其非吊掛可知也既非勒結又非活套又無被人吊

掛之證則屍親所云以索束項者不過因縊痕之明白糝



虛言以實之也且凡結項之人吊掛當時雖至殞絕救解

回甦日漸蘇健未有既久而致死者也拖至六日因此致

命有是理乎上項三條之既無一沕合於形證是乎則光致

之致死不由兩鄭之手犯豈不明白是乎今以縊痕論之

起於額下至於耳邊正與無冤錄自縊條如合符節是乎

無冤錄曰自縊者覆臥則其痕正在喉下起於耳邊多不

至腦後髮際又被人勒死條曰絞勒死者結締交在死人

項後由此觀之光致之自縊致死抑又無疑分此屍首之

眼合口開齒露舌抵齒等症亦與自縊諸文無不沕合是

實因段以自縊致死開錄為乎光致之死既由自縊鄭



北山段以被告人開錄

寫字

又凡縊勒之獄其套子索條

及楯梃枋桁等物例皆圖形上使

是字

屍親既皆牢諱

杖無以執得

是字

本縣上天字號屍帳三件印出云云今

此獄事論以傷處其為自縊無疑

是字

這問委折無以鈎

覈既無一人之立證又無一物之執贓揆以獄體極涉踈

忽

是字

縣監才識淺短摘發無術自顧悚息無以自解云

云

此嘉慶癸亥四月事也屍親奔告之言曰朴光致被打

於同里人鄭化山鄭億等處六日而致死乞卽償命以

雪幽明之冤○長興府使覆檢跋詞云縊痕雖曰狼藉



置是良自縊類乎勒縊何以辨別凡好生惡死人之常情

屍首萬無自縊之理除良此禁其作挐過其叱辱以牽縊

項者屍親之招不翅丁寧詞證之供不得牢諱其被縊

致死明矣若縊緊重當不保晷刻之命而縊則寬慢拖

至五日咽喉埋塞糜粥不下仍以致命無一疑晦之端

于乙仍實因段以被縊致死懸錄為乎正犯段以鄭億伊

懸錄是不犯段以鄭化山懸錄○至三檢時屍親忽然

逸走三檢官海南縣監疑之乃用鉤鉅之術得其實蓋

朴先致於四月初八日與鄭化山相聞十二日午時酤

酒被毆於其父不移時自縊於庭前杏樹以三斜麻索



作活套子以結之家人急解之已無及矣其父曰此子  
今朝被我丫杖忿怒而出有此變恠勢將以此殓死歸  
之於化山以免殺子之名於是有所証告此中國所云  
刁賴之獄也



*(The page contains faint vertical columns of Chinese text, which are illegible due to extreme blurriness.)*



欽欽新書卷之三百二十九

冽水 丁鏞 著

剪跋蕪詞 三

擬康津縣張台史胎傷致死初檢跋詞

云云今此屍帳如法按驗而痕損則初無一點致命則不

踰半刻如非胎傷其死無名是如以言乎形症則上自心

坎下至臍肚以手拍之堅如鐵石是血水惡汗流出產門

而產婆探驗亦無他物考諸法文明是胎傷是乎以言乎

詞證則後夫之金應奉諸姑之張台史以若報怨之心猶

為動胎之說而崔粹行之公心公眼又指安胎之藥則參



以招辭明是胎傷

是乎

女所以死雖由胎傷胎所以傷即

由身外身所以外乃由尹銀同之手擠則張女之命顧非

尹銀同之所宜償乎致命之由於銀同既已酌實本事之

是非曲直不足追論

是乎

乃兄之辜糟糠非由亡去之惡

張女之抹蘿蕪已過六年之久則秦家肥瘠非越人之所

知沈園歡娛豈陸郎之可妬舊日夫婦猶且不閑當年嫂

叔尤何可論猶謂之嫂叔乎嫂叔無手擠之法將謂之路

人乎路人無心嫌之端以此以彼無禮無義雖使胎孕無

損身命不殞猶不免闖狠之罪

是去

况此平地之一擠遂

致當刻之兩殞哉胎之獨落猶稱殺人母之俱斃胡不償



命雖然無窮者獄情也至重者人命也苟爲原恕之論不  
無舒究之端誠以孕婦之不可犯尺童之所知也知其孕  
而擠之則知其死而殺之也不知孕而擠之則不知死而  
殺之也張女孕胎不過數朔銀同所居旣非一室則不知  
其孕理或無恠手勢雖異於過誤心術迴殊於謀殺是全  
身上下旣無一瓦之瘡則拳之不毒擠之不猛推此可知  
法雖難貸情有可矜是如大較論之非胎則雖擠而不死  
非擠則雖胎而不死今此實因單言被擠則銀同差有抑  
鬱專謂胎傷則張女豈無冤恨實因段以被擠胎傷致死  
開錄爲手正犯段以尹銀同執定爲手尹鐵巖段旣棄之



婦宜置相忘而聞聲發憤嗷又呼弟雖無指使之跡誠有

倡起之嫌

這是

金貴萬

段

大凡胎傷之症安靜則有面黧之

望擾動則致格塞之禍

是去

方其氣塞之初奄生搬運之

詐手摩蔥熨之方不能如法背負舁挈之際尤益促命論

其罪犯不可薄勸

于仍

並只嚴囚縣獄其餘各人

段

姑為

拘留

為

于

同

縣

工

地

字

號

屍

帳

云云

為

于

蓋

此

獄

事

變

出

昏夜鄰無看證所察見者惟是金貴萬之母子尹鐵嚴之

父子也雖非公證不得不發問取招

為

于

行虎器仗

段

既

以手擠無可執得

是

于

屍體

段

圍籬封標云云



擬海南縣民尹啓萬被刺致死檢案跋詞

根因初海南縣內坊屠牛漢金再明畜二妻丁卯四月

卽嘉慶十二年

其少者逃走再明蹤而捉還之至九月又逃不

知去處先是鄰人尹啓萬李惡孫等常相來遊至是再

明疑惡孫招引執而困之惡孫曰我則冤矣尹啓萬可

疑也於是再明直到啓萬之家起鬧詰難言之答之轉

轉層激再明卽拔啓萬所佩之刀直刺啓萬之背卽刻

致斃於是再明陰與李惡孫李一溪鄭丁實等綢繆謀

議誣成自刺之獄而再明手持其刃往告鄉廳

時海南空官

曰尹啓萬不勝憤鬱自刺其背而看證諸人之招皆曰



自刺至三招之時有證諸人始吐實狀遂得成獄

云云死者之至寃無罪亮身之絕恃無倫豈有如此獄者哉唯啓萬自刺之說卽死囚求生之計固不足歟歟多辯

是乎

法例至重考覈宜詳故洗以法物驗以形證

是乎則左

乳上刃刺處紫黑色微硬痕圍至二寸闊爲二分別用竹

尖探其淺深則內徹虛陷之地莫驗刺入之限第其刀尖

上血痕乃至二寸有九分則手勢之猛毒臟系之割斷卽

此可知大凡自割之痕起手雖淡收手必淺豈有自刺之

刃若是其深者乎殞絕旣久變動已多刃勢之向上向下

雖不可認證泰歸一對質旣明屍首之自刺被刺不須更



問錄上

內實因

段

以被刺致死開錄

為字

正犯

段

以金再

明開錄

為在

因

奸刺殺之獄世亦多有而或登時而捕捉

或執贓者明白血氣所在性命是判則法雖難貸情有可

議

是子

此獄

段

奸非目擊贓無手執傳聞則架虛而鑿空

也端緒則捕風而捉影也明其為賊賊乃可服

是去

奏刀

驕然殺人如牛手之所觸目乃無全舌今天下寧有如哉

况

邪

強盜暴客之殺越人命者雖其心術獐毒膽力麀大

及其既犯之後亦莫不垂頭喪氣噤口無言而此因

段

獐之中奸巧特甚圖生於必死先發而制人自告鄉廳敢

獻血染之刃密囑醜伴預防首實之招歸出自找之說重



誣已死之鬼三尺之童猶且不信耳目所視焉敢乃爾噫

嘻拔人之刀而反刺其人搢人之臂而敢連其命未犯之

前誦訃先萌既犯之後戾氣不挫孰謂鼓刀之地生此跋

扈之男誅殛之典曷刻難貸是乎李惡孫段受疑最深探

問先及則招引厥女者未必非傷而急於自拔驅人於同

浴之餘巧於獨免陷人於難明之事究厥心腸何異手櫟

况孫檢場納招何等嚴重而乃欲亮身之曲護敢云屍首

之自殺由前由後節節痛惡是乎李一漢段房外行虎之

節雖未目覩庭畔我死之聲豈不耳聞符同於者流生慾

於賂物明知其被刺誣告曰自刺論其所犯在所嚴懲是



至於鄭丁實段本以平民之族反為屠兒之黨始既傳悉

於屍親末乃誣指於檢庭苟有人心何忍為此宋斗里金

段伊時在房亦為叅證之人忽地逃躲莫非愚頑之致上

項干連看證各人等罪狀段隨其輕重宜有處分是乎屍

帳天字號云云正犯以下諸囚段嚴因本縣云云屍親三

切鄰及王首各人等段當此耕穫之時宜念滯留之弊姑

先放送為乎縣監當日仍為還官云云



康津縣古今島鄭箴婦自勒致死初檢察跋詞

爲檢

官有求  
而作

根因古今島鄭士龍之妹鄭台史出嫁于莞島其夫死  
於非命只有遺腹女一個鄭氏今年二十四矢志不嫁  
曰吾夫死於非命只有此一塊肉吾當盡心鞠養豈可  
他適鎮校金尚虞年四十五而無子將欲有妻而娶始  
令李辰白行媒鄭氏不聽乃令李啓得行賂於吳致軍  
處欲其回心致軍曰鄭氏之心萬牛難回吾不忍受此  
賂物却之尚虞百計圖謀鄭氏皆不聽於是尚虞自鎮  
村出宿李啓得之家乘夜突入鄭氏之室欲強奸鄭氏



大聲喊其兄鄭士龍等執尚書而逐之於是尚書歸  
卧啓得之家書報鎮校金孟甲房百齡等要來威脅孟  
甲百齡等曰吾方有事不可往乃使李仁誥誣狀於僉  
使僉使嚴題論罪追捉鄭節婦之兄妹以鎮卒白得文  
爲爰使白得文腰佩紅索到金尚書處譟議聽其指揮  
到節婦之家威喝萬狀將欲縛鄭氏嘆曰吾無罪何畏  
紅索雖然吾身一入鎮庭畢竟不得不毀節吾與其生  
而毀節不若死而全節於是入房閉戶取海茅索一條  
自勒其項安坐倚壁而逝蓋天下之節婦也白得文等  
怪其不出破門入見死已久矣於是鄭士龍奔告本縣



遂得行檢

云云此屍之自勒致死不但苦主之招自來明白抑亦檢

帳之痕無所疑晦子仍絞勒之跡繞項一市前而顏後而

腦還成一路淡於紫淺於黑闊為五分是達海茅為索既非

活套之樣楣梁等處又無吊掛之痕匪繼伊勒抑又明甚

結而不糾特其絕命已過於六日變動多起於諸部所謂

結締之交未有明的之痕是乎詞證既已歸一形法又皆

沕合自勒二字無容更議雖然苟云自勒將無正犯噫彼

禍首之金尚雲將不得置之大辟乎嗟乎匹婦懷貞久堅

栢舟之誓狂夫無禮不念樊圃之戒黑夜突入計未售於



蠅汚暗地排布謀蓋巧於蟻援遂使無瑕之玉竟爲自碎  
之璧見之者心傷聞之者髮豎雖使渠自爲之解說其亦  
何辭以免死乎哀哉鄭女賢而薄命卽死不及三霜兒生  
纔過一晷念百年結髮之情抱一塊遺腹之產淚悲在中  
苦節靡渝庶卒鞠養之勞不負幽明之義顧其志良亦苦  
矣苟有一分人心何忍毀汚此女噫彼尚雲始欲行媒中  
焉行賂旣知萬夫之莫奪猶欲百計而圖成誘引之謀旣  
破強暴之變乃生奸雖未成罪在罔赦是去不思援改賊  
反荷杖召募鎮校與鎮吏又欲將計而就計是如及其差  
使之出來也與白哥而附耳喜紅索之在腰表裏相應左



右指揮威之所逼命乃自絕雖非手勒何異身犯哀此鄭

女當鎖門入房之時懷跼天踏地之痛污穢將及速遁不

得遂將三紉之索自殘一縷之命思之及此寧不痛心謹

按大明律威逼人致死條講曰如因強奸而威逼婦女身

死者謂之因奸威逼今此實因若但以自勒懸錄則尚虞

之罪有所不明是違無冤錄屍帳式曰各項自死者或有他

端具由懸錄毋嫌字多乙仍實因段以威逼自勒致死開

錄為平金尚虞段罪在逼殺身不行亮乙仍以被告入開

錄為平白得文段威逼之端雖由於尚虞威逼之罪實在

於得文是如鎮將題辭既無結縛之語鎮校畫策不過虛



喝之計則非討捕之衙門紅索何物無罪名之村家自地  
起鬧遂使自戕之變起於頃刻之間苟不溯本而探源逼  
殺之目宜在得文且彼尚雲者慙憤雖激於投梭情慾猶  
切於枕琴餘望不絕恩愛方深從容捉去雖是粧撰之言  
驅迫至死決非嗾囑之事由是言之鄭女之命不絕於尚  
雲而絕於得文之手矣特以事有主客情有虛實左右參  
量終難舍彼而取此故自得文段以干連開錄高平金孟  
甲房百齡段簿書在手推托有辭是去別畫奸計自作聲  
援首生威喝之策馴致逼殺之變是遣李仁哲段書給誣訐  
之狀圖成雄挺之舉雖非首倡自有手跡是遣李辰白段不



勸不沮雖為掉脫之言于媒吁始莫掩綢繆之跡至於任

意為之之說明是劫奸可也之意論其罪狀誠極無良是遣

李啓得段本以亮身之切烟便作盜賊之接主始既居間

而行賂末乃受囑而入鎮前後所犯無辭發明乙仍上項

五人段并以詞連開錄為乎金尚律段導既題狀而發差

則發遣之際不害戒飭致有威喝之舉雖不和應難免罪

責是遣吳致軍段能知金石之貞心不受錢貨之潛賂雖無

罪犯并有詞連吳介同段雖曰鎮屬別無助力之事偕入

屍房同泰撫手之舉是遣李啓星段目見勒死之狀驅出威

喝之卒結縛諸囚終始證泰乙仍并以看證開錄為乎尚



雲妻金台史

段

勸夫作奸囑吏呈狀情狀可痛

是乎

無識

村女不足漢責

是乎

尚雲第金尚已

段

身出本村跡涉同

泰

是乎

別無發問之端且有證兄之孀故不為取招

是乎

屍帳形症皆與法文相合

是乎

法文則曰自勒死者兩手

拳握而此屍則兩手散開惟此一節有若矛盾雖然勒死

之初吳白而漢稱以救活盡力撫摩則握而復散理所必

然

是乎

屍帳地字號云云勒索

是乎

在海茅索一條

段圖形上

使

為乎

大抵執法之論不得不尚嚴引律之例不得不從

重金尚雲逼殺之目固無可疑

是乎

第伏念法之將行情

亦宜察起疑於無疑之中求生於必死之地此固平允之



道也無子求嗣異於一時之淫慾縱人行婦已多兩間之

游談女心雖堅其耳亦慣徐究事情然有可議且使猿吠

之夕便有雉經之變則尚雲之卽地償命少無可惜是乎

身既不污怨亦不深是如猝逢紅索之喝遂辦茅綯之勒

此與尚雲之手鐵爰有間焉是惟彼尚雲全願惟在於成

事本意豈出於謀殺原其中情必將愛護之不暇寧欲威

喝而致死跡雖歸於逼殺情則異於逞毒今若以謀殺人

條初造意之律加之於尚雲則不無非情之嫌此或爲審

慎却顧之端是乎三尺至嚴有難輕議是乎灰印封標云

云覆檢官云云上文殺字下原字上初有辱紅之跡不寢



此嘉慶丁卯九月事也如此之獄名目終不妥當吾東俗例於殺獄犯人唯有二名不曰正犯卽曰被告除此以外無他名也今俗又以犯字誤認爲手犯之犯凡非手脚兩犯者一以被告人句當不知犯也者犯於罪也犯於律也宜必手犯者爲犯人乎若有人暗室造謀遣客刺人則將其造謀發遣者不得爲正犯乎一指不動而造謀者當爲正犯四體雖勤而役使者當爲次犯故坐堂不動官奴執杖而必以坐堂者爲正犯法可知也逼殺亦殺則此獄其可無正犯乎况守節寡婦強奸致



死本係一律金尚雲之罪焉得云不犯於一律乎始既強奸而不成終又威逼而致死反覆思之未見其可生若以本意之不在謀殺爲原恕之論則強奸致死者其本意亦非謀殺亦將原恕而活之乎右跋辭本以金尚雲爲正犯姑且從俗改之曰被告人然其罪實犯於一律不可以不正也大凡殺獄非其手犯者謂不償命然強奸節婦終至逼殺既是一律則但當以本律殺之不必名之曰償命也跋詞之末過爲原情之論終使尚雲刑配受贖而止其爲失刑大矣且凡烈女褒揚之法各有定制夫死妻殉無故自殘者多係偏情不宜崇獎唯



如鄭節婦者真可以上達 朝廷以請綽楔之典而或  
恐獄事有咎終爲掩翳而不揚可勝惜哉

康津縣私奴有丁被打致死初檢案跋詞

根因草谷面朴山里私奴池有丁者樂安宣氏之奴而  
朴山里鄉族金道潤之婢夫也作婢夫二十餘年產子  
女四五口無之爲雇工金尚夏者道潤之長子而析產  
分居各田其田丁卅十月尚夏將欲穫稻雇役丁四名  
有丁到尚夏之家言父家役丁不足尚夏曰何爲不足  
有丁曰村中役丁皆自小宅雇之大宅何以雇人小宅  
所得二名送于大宅然後可以輸入尚夏曰大宅之稻



既曬而東吾家之稻新種雨濕今日又將翻曬事甚急  
迫大宅所得二名今日皆往吾畝並刃翻曬明日六名  
並往大宅一時輸入爲好有丁勃然大怒曰大宅小宅  
都是自家之事今日明日俱非此漢所知語多不遜忿  
然回去尚復不勝忿怒以支莒

所以擔

也

舉而擲之

適值有丁回顧正中有丁之右額角即時仆地流血滿  
面厥明日食時奄然致死有丁之弟莫男將欲告官里  
人丁啓夏金文聖等遮路攔住明日始入告官遂得行  
檢○初檢時各人之招曰池有丁近患疥毒疔生於大拇  
指之根肉厚處至今月初瘡始完合而不能利用以手



荷肩而行金尚夏之言欲以是為病患而死○覆檢時  
看證之招曰尚夏將欲毆打有丁面身反走尚夏連擲  
支莒有丁適一回顧而支莒來觸正中右額云

為等

各人等招辭

是置有亦

觸怒於一言之頃巧中於一擲之

際殞命於一夜之間取服於一問之下事理之悖妄獄情

之踈濶豈有甚於此獄者乎第以檢帳言之右額角被打

之處紫黑色破傷之痕橫長恰過一寸瘡濶亦為三分

是如

手皮破肉綻檣帳之形症莫掩血流身外證泰之輸款既

明尚夏之口雖有巧言有丁之命絕於誰手雖以疔瘡之

說欲為漫漶之計

是手乃

橫行一村之中雖荷肩而能步照



管兩家之事將以身而董役則昔疾今愈本無可死之理  
畏死求生亦非宜信之言至於觸風之說尤是鑿空之談  
一言以蔽曰支筭之所打也亮身之所殺也多少說話  
之何益嗟乎頂心額門者速死之處也皮破肉絕者致命  
之傷也額角之位既近於頂頭皮肉之損累至於破絕則  
此所謂致命之傷當速死之處翌日之死不亦宜乎親手  
按驗雖無骨損之跡毒氣蓄積已著面浮之形其症則紫  
黑氣之向裏也其驗則一兩日而致死也泰以法文亦無

可疑

是如

錄上

內

實因

段

以被打致死開錄

為

字

謹按本

縣上事例母子去癸丑年十二月刑曹

啓下開

內

自今



人家牽接之婢夫向妻上典肆發惡言情理絕悖而妻上

典治罪邂逅致死者勿為成獄情非絕悖治罪邂逅則獄

具然後草記稟決

亦教是如乎

竊伏念

聖教中邂逅二字在

所商確邂逅云者適會也相值也如法管治者與病患而

適會則謂之邂逅也略加棒打者與觸傷而相值則謂之

邂逅也此獄

段

本事雖出於頑悖致命不由於邂逅畢竟

償命雖合商量為先成獄斷無饒貸

乙仍

正犯

段以金尚

夏開錄

高乎

大抵按獄之法兼有風教之責

是乎

噫彼金

尚夏者雖曰鄉族亦異氓隸

是去

厥父所蓄忘周書肯穫

之義以子分耕貽秦民借擾之譏此種爾粵先後是爭或



乾或濕分寸是較遂於調丁之地猝發移乙之怒立談之

頃殺變遂起語及本事使人代慚雖然細察其情誠有可

憤

是如

既束之稍差晚無傷將曉之結尾是宜惜二名四

名雖若朝三而暮四先翻後輸非欲肥己而薄親

是去 唉

彼有丁處人骨肉之間觸人肝肺之際自處以盡忠歸人

於不孝乃曰大宅小宅都是自家之事今日明日俱非此

漢兩知語勢專出於藉重心術無異於構釁不但用賤而

好貴抑將以踈而間親

乙仍

為尚憂者偶發無妨之論猝

逢非情之謫血憤斗激膽力忽廢天地不分木石奚擇適

其在前者支莒耳是鈕則擲鈕是甕則擲甕適其在前者



支莒耳、猛勢只出於洩憤、本意宜在於辦殺大厄、今歷於  
頭上一擲、正中於額角、此豈人力之所為、莫非身數之不  
幸、况其投擲之勢、適值回顧之時、是如為置既回身而出去、又  
何心而反顧、由是言之、雖謂之邂逅、致斃未為不可、是乎笑  
所可恨者、若使尚夏能讀半部之小學、知有一家之嚴君、  
歸告乃父之前、侍坐高堂之上、數之以頑悖、懲之以猛杖、  
則雖使堂下而致斃、豈不名正而言順、今也不然、以其光  
景則屠沽之相鬪也、以其手法則樵牧之混毆也、上典之  
名、豈不可惜、婢夫之死、烏得無冤、如此之獄、輒引受教  
之律、輕立傳生之論、則竊恐鄉曲愚悖之類、徒恃廊底率



畜之名恣意毆踢屢犯律令子仍按獄之體不得下尚嚴

執法之論不敢不從重是乎償命與否有非愚淺之見所

敢與知是乎丁啓夏段巧飾外石之說欲掩投械之實終

始蚕吐情狀可痛金文聖段把守木村之路遮阻告官之

行後喫所関不可無懲是乎看證林一孫金宗碩等及王

首切鄰屍親等各人段並姑保授以待覆檢為乎有丁妻

連愛段雖抱哭夫之悲宜有證王之嫌不為取招為乎屍

帳天字號云云為乎行兇兇仗段所謂支莖即所以擔樵

者也茲以圖形上使為乎屍體段灰印封標云云為乎覆

檢官段以長興府使請來舉行緣由並牒報云云事十一月



營題略曰適見在前之吏官遽爾隨手而投擲此乃憤  
頭之所使寧有殺傷之本意而唯其投擲之勢巧會回  
顧之時撞破額角遂致殺愛然則投之擲之何論有心  
與無心死則死矣只宜以法而置法

是乎矣

第伏念先

朝癸丑手教在兩體念况此吏官之投擲非法故殺之  
心而頭額之撞傷一言以蔽曰巧值也偶中也而其死  
則邂逅耳扶植風教對揚休命卽藩臣之職也償命一  
款非敢議到唯是尚憂名以士子不勝一時之忿托地  
跳起身來無難逞得手勢有若街巷賤流之相扶執鬪  
毆者然嘆此舉措從他駭妄哀彼有丁不亦冤抑云云



右擬作數首爲示庶第令習文法也其代作二首  
則爲地主所要不得已而塞之遂徙居葦山



擬康津縣金家子十歲兒被勒致死覆檢跋辭

根因兵馬營南門外有金家婦賣豆粥資生一日適市

使其子十歲兒守家及歸見其子覆余而卧視之死矣

項有勒痕倘有草索一條

即紡車之索

點檢傢伙所失即一

鐮一鋤及磁甌數事而已先是鄰居白台史以子錢二

緡貸金台史僅收本錢而子錢不報至兒死之前一日

白之母女到金家凡籠缸所貯盡行搜去結孀者惟此

一人而已於是白台史發告又其言曰白也之女年

今二十得喉痺之病所見穢惡死兒生時見輒唾笑此

亦結怨之一端又哭子孺穉之時鄰近皆集而惟白之



母女不來隔牆越視及其告官之路路逢白女買油而  
來初不慰問反面而去皆是疑端此其所以被告也

為等

如各人等招辭

是置有亦

今此屍首如法按驗

是牙則

口開眼

突噪塌手握皆與法文中被勒形證一一符合况其項後

交匝明有結締之痕喉下一路宛是赤黑之色而鈐車之

索落在本處其為被勒明白

乙仍手

實因

段

以被勒致死開

錄

寫手孫

大凡按獄之法惟有情理二字情有不合雖眾口

交證不可以勒成理有不然雖四鄰同聲不可以臆斷今

此百官史之被告其所以執之為難脫之案者厥有數端

其一搜家之結孀也其二喉痺之舍怨也其三鄰里來慰



之時不與同會也其四屍親告官之路亦不相問也苦主  
之縷縷歸新都錄此四條證案聽其言而觀其跡誠有可

疑

是手  
矣

區區於此猶不敢確然以爲難脫之案者誠以情

有所不合理有所不然不可以同聲交證而遽斷其七尺  
之命也今以搜家事言之搜者懷懟乎被搜者懷懟乎既  
搜其室既奪其貨則既洩其宿忿矣既取其可欲矣又何  
餘毒往取其子乎金殺白雛則搜可言也白殺金雛則搜  
無當矣况亦搜家之日其瓶缸之聲白也既目睹之矣其  
杼柚之空白也既躬驗之矣其破衣殘絮之可直一文之  
錢者白也既手攬之矣一夜之間虛實宜同何慙之發而



乘虛躍入殺其子而求其貨乎搜者知其虛實不搜者不  
知其虛實試觀此事其果知虛實者之所為乎殺越人命  
而所獲者一鋤一鐮雖欲謂之知虛實者其亦難矣今此  
殺變不出二者若非報怨只是貪獲若云白媼殺之則於  
此二者俱無所當以愚所見搜家一事為白媼昭脫之案  
不可但曰非其證而已且以喉痺事言之鼻陷者有目之  
所共覩也聲嚶者有耳之所共聞也以此鼻而出門何人  
不嗤以此聲而接語何人不嗤鄭袖宮中雖懷掩鼻之恥  
平原樓上難斬笑璧之人設或赧赧然著之焉得人人而  
誅之以此執言終是猜度

是乎

雖以鄰慰事言之自古以



來暗地行亮之人方其鄰里會慰之時未有不隨眾來  
聚以混其跡者則自媼之而來何足為難脫之案乎搜家  
之嫌怨既深比隣之慶弔何論且以路逢事言之我搜其  
屋人殺其子疑怨易及於我身著怯潛起於內心狹路相  
逢倉卒無言容而愚婦之常情由是觀之曩所謂四條證  
案都是竊鉄之虛疑斷非盜璧之真贓是乎愚見於此又  
有一層難慎者即勒索之不在項而在側也何以言之行  
亮者毋論張三李四既以索而勒之又何故而解之方其  
解之也無亦哀其死而偉其生乎勒之者何也欲取其貨  
故惡其聲而殺之也解之者何也既無所得故覺其妄而



活之也。被勒死者或半餉而蘇或半日而蘇。若使此兒蘇而能言事將何如。兒不知面盜且無事。兒若知面事將不測。誠使白媼而行亮考其出去之時理宜益堅其所勒。顧當還解以許蘇乎。其爲不知面之他盜於此明矣。嗟乎外來之盜不知虛實先殺其子乃括其貨。慙威氣銳若將大得及夫所獲空虛其事益浪則兒命忽然可矜。盜心油然而悔於是解勒於是覆衾曰幸而回蘇渠可得活。本不知面我則無懼此當日亮人之真境也。左右思量白媼無手犯之謫故白名史殿以被告開錄爲乎覆檢取招之時白家母女之言或有錯亂其母則曰買油歸路不知其兒之



死其女則曰越牆俯視已知其見之死其母則曰出市頭

而質米其女則曰以粥心而為糲其母則曰金哥處貸錢其

女則曰崔哥處貸錢且其日市直十錢一升而告之以二

升凡此亂指或似身犯大惡心懷恒怯者之所為

是手村

里愚婦猝當殺人之名慌忙失措錯亂無序原是例事不

足漢疑

是如

抽緒詰問而鉤鉅之術既無所施發校搜索

而鑷鋤等物亦無所捉一言以蔽曰疑獄也疑案也有非

愚淺之見所敢臆斷

也仍

被告人白名史

茂

具格嚴囚以

待回題

為子

應問各人云云行兇罷仗云云屍帳云云還

官云云



*[The text in this block is extremely faint and illegible due to extreme blur.]*



附見 清溪村行擒說

谷山府清溪坊民高得才以稻棒

方言道  
朕案

打殺某甲始里

報至聞犯人已縛余即令中軍執事把守五里亭禁人往  
來趣備馬出至五里亭見一行首尾將連五里旗梧刑具  
馬步並列余令悉除之唯刑吏一人作作一人執鞘一人  
知印一人油衫一人共一馬五人偕行刑吏進曰將校不  
從無以捕三切鄰余曰三切鄰我當召致之吏曰侍奴不  
從即謂  
及唱無以出命令余曰作作者無之吏曰無冤錄屍  
帳式紙物法物無以輸之余曰油衫者無之吏曰祗席衾具  
不備敦匱厨供不具為之奈何余曰得溫室假寐喫村飯



療飢斯已矣吏曰刑具不隨非例也犯人何以枷矣余曰  
撿場例不用刑犯人縛亦足矣遂行至停屍處村一空矣  
唯一老翁守犯人坐樹根余亦下馬坐他樹根召老翁語  
之曰吾行甚簡無相害也凡隱者宜召還少頃一村男女  
悉還其家召父老令自里中公議執三切鄰公議定有證  
諸人又召父老問本里及鄰村有曾經鄉官武校及為坊  
里任出入官府者否擇其敏慧者悉來相役於是皆權差  
職名左右悉備威儀無缺以其一人為厨監令供一行之  
饋歸即準報之既行撿仍於榆庭取招成文訖召屍親及  
犯人親屬語之曰此獄之情如此如此言之報當恁地



恁地汝等無爲下輩所瞞也有敢以一緡錢輸邑者嚴懲  
不赦其切鄰千連以下應問各人並於本里保囚以待覆  
檢其日蕭蕭然還府令刑吏至中路迎覆檢官具陳此事  
覆檢官恐毀譽頓殊亦除騶從嚴約束不貽害焉

余至康津久在民間知凡殺獄其發告者十之二三其七  
八皆匿焉誠以一經檢驗遂成敗村不踰年凋瘵空散故  
苦主雖悲冤棚中爲里中父老豪傑所沮止於是逐犯人  
賂苦主急急埋葬以滅其口或權吏武校知而脅之卽自  
里中共聚錢二三百緡以賂之亦終不肯發告其害毒之  
確斯可知矣爲令長者宜深留意焉



凡遇獄事不可與首吏刑吏密有議讞其跋詞句語不宜  
秘密宜宣說稠人使得傳相告諭每於取招之後若有一  
分生路明以法文事理洞諭犯人之親屬使知官意所在  
不然吏輩窺覷官意從中鞭弄而賄賂行焉醜謫起焉

殺獄檢狀必連章累牘而例用卷軸報之工司考閱既  
艱舒卷不便不過數月爛裂不可讀老獄行查無復憑  
驗宜著令式自今檢案皆用稿紙為母子報司其母樣  
大小亦有一定尺寸使諸邑檢案合成一帙藏于庫中以  
考檢且可久藏以待查也



